

Vedtekter for Folkehøgskolerådet

(sist justert 13.juni 2024)

§ 1. NAMN

§ 1.1 Folkehøgskolerådet (Org nr: 976 949 307)

§ 2. FORMÅL

§ 2.1. Folkehøgskolerådet er eit skulepolitisk samarbeidsorgan for dei norske folkehøgskulane og folkehøgskuleorganisasjonane.

§ 2.2 Folkehøgskolerådet har sitt mandat frå, og rapporterer til, årsmøtet.

§ 2.3 Folkehøgskolerådet tar seg av oppgåver til gagn for folkehøgskuleorganisasjonane og skulane.

§ 3. ORGANISASJON

§ 3.1 Folkehøgskolerådet er eit samarbeidsorgan for dei to greinene Noregs Kristelege Folkehøgskolelag (NKF), Informasjonskontor for kristen folkehøgskole (IKF) og Folkehøgskoleforbundet (FHF), Informasjonskontoret for folkehøgskolen (IF).

§ 4. FOLKEHØGSKOLERÅDET

§ 4.1 Folkehøgskolerådet har 6 medlemmer.

- FHF/IF og NKF/IKF har tre representantar kvar.
- Leiar i FHF og NKF er medlemmer av rådet og skifter på verva som leiar og nestleiar. Den periode leiaren kjem frå den eine greina, vel den andre greina to medlemmer.
- Når leiar av Folkehøgskolerådet kjem frå FHF, vel IF to medlemmer, NKF to medlemmer og IKF eitt medlem.
- Når leiar av Folkehøgskolerådet kjem frå NKF, vel IKF to medlemmer, FHF to medlemmer og IF eitt medlem.

§ 4.2 Begge kjønn skal vere representert med minimum 1/3 av medlemmene.

§ 4.3 Valperioden er på to år.

- § 4.4 Ved likt røystetal har leiar dobbeltstemme.
- § 4.5 Folkehøgskolerådet er vedtaksført når 2/3 av medlemmene er til stades med minst to representantar frå kvar av dei to greinene.
- § 4.6 Vedtak fattast med simpelt fleirtal.
- § 4.7 Folkehøgskolerådet er høgste myndigheit mellom årsmøta og skal halde møte når rådsleiar eller eit fleirtal av medlemmene krev det.
- § 4.8 Folkehøgskolerådet dekkjer reise- og diettgodtgjersle for medlemmene av Folkehøgskolerådet og underutval. Til vanleg betalast ikkje honorar til Folkehøgskolerådet sine medlemmer.
- § 4.9 Kvar organisasjon vel eit varamedlem. Vararepresentanten innkallast om rådets faste medlem er forhindra frå å møte.
- § 4.10 Dagleg leiar er sekretær for Folkehøgskolerådet og førebur sakene til rådsmøta. Dagleg leiar har møte-, tale-, forslags- og protokollasjonsrett på møta.

§ 5. RÅDETS ANSVAR OG OPPGÅVER

- § 5.1 Folkehøgskolerådet tilset dagleg leiar.
- § 5.2 Folkehøgskolerådet iverksett årsmøtet sine vedtak og gjennomfører oppgåver i følge dokumentet «Folkehøgskolerådets ansvar og oppgåver», strategiplanen og handlingsplanen.
- § 5.3 Folkehøgskolerådet fører tilsyn med den daglege drifta.
- § 5.4 Folkehøgskolerådet set ned nemnder og utval.
- § 5.5 Folkehøgskolerådet peiker ut representantar til Nordisk Folkehøgskoleråd.

§ 6. ÅRSMØTET

- § 6.1. Årsmøtet er Folkehøgskolerådets øvste myndigheit og skal haldast kvart år innan utgangen av juni månad.
- § 6.2 Årsmøtet vert innkalla med minst fire -4- vekers varsel. Fullstendig sakliste må vere tilgjengeleg minst ei -1- veke før årsmøtet.

- § 6.3** Innkomne saker skal meldast Folkehøgskolerådet minst åtte -8- veker før årsmøtet.
- § 6.4** Forslag til endringar i vedtektene skal meldast minst åtte -8- veker før årsmøtet.
- § 6.5** På årsmøtet møter styra for Folkehøgskuleforbundet (FHF), Noregs Kristeleg Folkehøgskolelag (NKF), Informasjonskontoret for folkehøgskolen (IF) og Informasjonskontoret for kristen folkehøgskole (IKF)
- § 6.6** Organisasjonane sine styrer møter med tre -3- medlemmer kvar med stemmerett.
- § 6.7** Organisasjonane sine øvrige styremedlemmer kan møte med tale- og forslagsrett
- § 6.8** Daglege leiarar i folkehøgskoleorganisasjonane møter med tale- og forslagsrett

§ 7. ÅRSMØTETS OPPGÅVER

- § 7.1** Årsmøtet skal:
- Handsame og godkjenne årsmeldingar frå Folkehøgskolerådet og frå utvala.
 - Handsame og godkjenne årsrekneskap med noter.
 - Handsame og vedta budsjett.
 - Handsame og vedta strategiplan og forslag til endringar i denne.
 - Handsame og vedta dokumentet «Folkehøgskolerådets ansvar og oppgåver» og forslag til endringar i dette. Alle organisasjonane må være einige om dokumentet skal endrast. Endringar krev 2/3 fleirtal.
 - Handsame forslag til endringar i vedtektene.
 - Handsame innkomne saker/forslag.
 - Velgje revisor.
- § 7.2** Ordinære vedtak skjer ved simpelt fleirtal.
- § 7.3** Folkehøgskolerådet kan gje vidare retningslinjer for gjennomføring av årsmøtet. Årsmøtet kan gjera endringar i desse.

§ 8. EKSTRAORDINÆRT ÅRSMØTE

- § 8.1** Ekstraordinære årsmøte blir halde når Folkehøgskolerådet bestemmer det, eller når minst ein av organisasjonane krev det.
- § 8.2** Det vert kalla inn ekstraordinært årsmøte med minst 14 dagars varsel.

§ 8.3 Fullstendig sakliste må ligge føre minst ei veke før ekstraordinært årsmøte.

§ 9. VEDTEKTSENDRINGAR

§ 9.1 Endringar i vedtektene kan gjerast på ordinært eller ekstraordinært årsmøte etter å ha vore satt opp på saklista.

§ 9.2 Forslag til endringar i vedtektene må meldast minst åtte -8- veker før årsmøtet, jf. § 6.4.

§ 9.3 Vedtak om endringar av vedtektene skjer med minst 2/3 fleirtal.

§ 10. ØKONOMI

§ 10.1 Folkehøgskolerådet får midlar til drift via løyvingar i statsbudsjettet, frå skulane og folkehøgskuleorganisasjonane.

§ 10.2 Folkehøgskolerådet får tilbakeført midlar frå folkehøgskulane til dekking av pedagogisk utviklingsarbeid, refusjon av vikar for tillitsvalde og ressurs for tillitsvalde.

§ 11. SEKRETARIAT

§ 11.1 Folkehøgskolerådet skal ha eit sekretariat.

§ 11.2 Dagleg leiar er leiar av sekretariatet og arbeider etter retningslinjer utarbeidd av Folkehøgskolerådet.

§ 11.3 Folkehøgskolerådet kan tilsette medarbeidarar eller kjøpe nødvendige tenester for å kunne utføre dei pålagde administrative oppgåvene.

§ 12. SIGNATURETT

§ 12.1 Rådsleiar og dagleg leiar har signaturrett i fellesskap.

§ 12.2 Rådsleiar og dagleg leiar kan tildeles prokura kvar for seg.

§13. OPPLØYSING

§ 13.1 Oppløysing av Folkehøgskolerådet skal handsamast av årsmøtet og krev 2/3 fleirtal.

§ 13.2 Oppløysning av Folkehøgskolerådet må varslast minimum seksten –16- veker før årsmøtet.

§ 13.3 Framlegg om oppløysing skal vere fremma i sakspapira til møtet.

§ 13.4 Ved oppløysing av Folkehøgskolerådet skal eventuelle økonomiske midlar delast likt mellom FHF, NKF, IF og IKF. Eventuelle økonomiske forplikingar skal òg fordelast likt mellom dei same partane.

Vedtekter for Folkehøgskolerådet blei fyrste gong vedteke 19.april 2012, revidert 17.april 2013. Vedtektene er vidare omarbeida og vedteke av årsmøtet i Folkehøgskolerådet 15.juni 2022 og gjeld frå same dato. Videre revidert 14.juni 2023 og justert 13.juni 2024.
